

容齋詩集

容叅詩集卷二十六

綿上茹綸常文靜

漫叟剩稿

丙辰耆筵後京師諸公多以叟稱余亦效顰  
自號曰漫叟何雙溪翰林贈句云自署頭銜  
稱漫叟人推手筆重騷壇余方引以自愧而  
阿好者或且以爲實錄矣至於剩之云者蓋  
亦猶復煎之藥再筍之醪其味旣薄所餘皆  
渣滓糟粕耳是則剩之義也夫

丙辰孟秋汪讓庭刺史自忻州解組南歸

訪舊綿上快晤之餘旋復悵別爰賦二詩

送之雖言不盡意亦情見乎辭矣

信是休官得自由  
遄征肯爲故人留  
交情翻覆憐青眼  
世事升沉感白頭  
去日一帆瓜蔓水  
到時三徑菊花秋  
青門祖帳知誰在  
應有垂楊綰別愁

好醉離筵酒一卮  
漫將別淚等閒垂  
甘棠思坂懷

人日荒塚韓巖弔古時

元遺山先生墓在忻州韓巖村君重爲修葺

六

載抱疴驚太瘦  
七旬解組惜差遲  
不堪彼此成衰老  
還把重逢問後期

雨中簡讓庭刺史

如鱗絹素待臨池多恐衰年力不支  
好向雨窗頻檢點揮毫要在體佳時

次韻和升三郊遊卽事

清遊漫惜馬蹄遙貰酒高帘處處招  
最愛蓮塘風景好綠楊低拂赤欄橋

原作

中秀

雞犬烟邨路未遙青山綠樹好相招  
和風吹面來香氣知有新荷隔小橋

重送讓庭刺史二首

潑墨難供好事求黃庭曾許換鷺不

君寓城東道院黃冠輩屢

乞書  
不應貧非垂橐君無慮俗類懷磚我亦羞歸興  
忙濃似酒宦情蕭颯淡於秋一旬最喜廉纖雨不  
用攀轅苦苦留

幾日頻傾招客酒

君招飲故舊屢日

今朝重賦送行詩秋

風天遠人將去舊兩年來路總岐芳訊好從南雁  
寄閒身還共野鷗期漫言宦海茫無際此是抽帆  
到岸時

立冬前三日曉園招陪祝午橋明府南村  
園看菊二首其次章則專贈明府也

搖落南邨路招尋復此回

前集園中送讓庭刺史

欣逢彭澤

宰拚醉菊花杯坐久秋容淡歸途短景催何當風  
雪裏更爲早梅來

衰老空慚我循良獨羨君文應驅鱷著廉自飲泉  
聞花縣新留蔭

君自文水調介

鸞坡舊軼羣

以翰林出宰

欣看

場圃築籬菊正芳芬

看菊之作意有未盡因再賦七言二首並

簡午橋明府

底須蔣徑與陶籬雅集名園更自宜但是高人多  
愛菊況逢仙令最能詩開都爛熳秋將盡飲到沉  
酣醉不辭橘綠橙黃好時節等閒莫笑客來遲

離離花影月初明誰更雄談四座傾青眼看來容  
有意白頭對處劇關情草間露冷蛩聲咽簾外風  
高燭淚橫却喜南村三里近不嫌車馬隔秋城

雪中

一天新雪正彌漫積素盈堦踏未殘漢殿春回梅  
共落謝庭風起絮同看閉門懶學高人卧撥甲遙  
憐戰士寒時湖北教匪未靖差喜扶頭樽酒在呼兒且問  
竹平安

送亨占之都門

白髮臨歧首重回何劉甥舅幾追陪

君爲厚田舅氏

雲亭

字每從余問崑體詩多共客裁千里風霜還跋涉  
一天冰雪正崔嵬遙知到及書雲候新釀頻傾竹  
葉杯

送厚田厚山昆仲挈眷入都

極天冰雪正崢嶸年少同高入洛名無忌久推甥  
似舅時與亨占同行季方共羨弟兼兄慚無奇字煩君問  
喜有新詩待我贖此去趨庭須致訊爲言望遠獨  
含情

畫堂纔輟合懽杯

時厚山新娶

底事驪歌便自催序紀

芳園誇樂事書成博議羨清才繫情故舊之推里



縱目雲山郭隗臺莫悵衝寒家累重嶺頭好看早  
梅開

寒夜書懷

獨坐寒宵迥悽然思不勝風懷隨日減俗累逐年  
增老易驕兒女貧難量友朋平生緣底事只傍讀  
書燈

歲杪感懷二首

誰挽滔滔東逝波唾壺擊碎且長歌作姦每嘆澆  
風競肆毒頻驚獷俗多坡老情懷惟說鬼翟公門  
巷儘張羅冰霜最憶燕山道

昨歲有都門之役

轉瞬光陰

一載過

歲月真同赴壑蛇。矛頭身世漫于嗟。名心早淡寧  
爲得生計全疎。要是差才盡漸無。詩可祭囊空賴  
有酒能賒。巡檐擬問春消息。屋角寒梅已試花。

午橋明府以和韻見寄因再賦此奉荅

喜看清吟寄衍波。陽春真許和巴歌。銜杯未分歡  
情減。擊鉢終輸藻思多。檻外梅花還淡漠。牀頭書  
卷任紛羅。新年倘有論文興。敢謂非公更不過。  
莫問雕蟲與畫蛇。幾多往事付咨嗟。說詩誰更推  
匡鼎。作賦人終遜景差。冬日乍瞻方共愛。春風倏

轉未應除只愁薦牘書循卓不及河陽再種花

人日立春午橋明府枉詩見贈率此奉酬

人日高常侍新詩寄草堂條風初應律竹葉正傳  
觴鸞披文章重花封淑問揚却憐同臭味未敢論  
行藏

春日出遊近村有懷京邸故人

淑景村村引興賒看山隨處一停車耽空欲問鳴  
鐘寺感舊愁過賣酒家吹面和風搖柳線霑衣紅  
雨落桃花無端觸忤懷人思望遠傷春到日斜

盛暑中聞午橋明府步行向綿山禱雨感

嘆之餘爰紀以詩

飛鳥臨初地扶筇問祇林只緣憂旱甚不憚入山  
深泉冷驅炎暑巖空敞夕陰固應能感格喜雨有  
高吟

奉和午橋明府綿上禱雨之作

雲霓此日正相望聞說飛鳧到上方却恐憂民清  
興減石泉未及試旗槍

翻漿白汗亢陽驕不憚雲峰百里遙信是至誠能  
感格隨車甘雨劇連朝

歸功漫頌佛如來早看田疇氣色回吟取暮雲巖

際句

回首暮雲巖際  
黑明府句也

知君真是挾天才

新秋雜感二首

底事尋春杜牧之而今老賦感秋詩  
水晶簾下曾看處猶記桐陰學畫眉

風動牙籤曉閣虛一瓶新水浸芙蓉  
平生只有耽書癖遮莫人嗤似蠹魚

和韻

閻學清

潔甫

風輕雲淡夕陽遲噪樹蟬聲送酒卮  
醉倚闌干頻縱目近樓初月似蛾眉

枕簟蕭疎斗室虛池塘閒步愛芙蓉  
憑誰會得

濠梁趣且看天然二寸魚

佳興園感舊簡李春山

園爲蘭谷別墅時春山寓居已十餘

載矣

園林觴咏憶羊何

蘭谷每招田夫西郊及予觴咏於此

卅載空驚兩

鬢皤亭榭尙來新燕雀松篁已改舊枝柯  
烟昏廢沼青苔積雨蝕頽垣蔓草多  
賴有高懷李評事重開三徑許頻過

丁巳初度四首

何年白髮滿頭顱馬齒今看卦數符  
敢以菊松誇靖節幾曾梅鶴識林逋  
買山擬共餐霞客浮海愁

逢逐臭夫好把一杯還自壽  
嘗騰醉不要人扶  
老闕三朝感歲華  
賜來鳩杖自天家  
旗亭人忝詩名在  
謝墅時過奕興餘  
舊雨晨星悲宿草  
西風晚節愛黃花  
眼前又值懸弧日  
兒女成行祝阿爺

漫將往事記拋堦  
尚有童心奈老何  
伏櫪空憐支遁馬  
臨池不換右軍鷺  
支遁馬右軍鷺雖襄陽語然用意各別不相襲也  
緣齊物論遭鴟嚇  
爲送窮文被鬼訶  
夷險炎涼俱歷盡  
底嫌高枕夢南柯

不解藏奸但率真  
由來堅白豈緇磷  
愛才至竟推

前輩

迂簡齋太史採  
余詩札付梓

膠柱終教愧此身過眼雲烟

隨日換經霜蒲柳感秋頻扶衰料得無靈藥擬向  
維摩結淨因

冬夜聽王山人彈琴

大雅久不作泠泠聞素琴一空箏笛耳獨契聖賢  
心夜迴梅初馥聲希漏轉沉白頭有幽興擬和醉

翁吟

時鼓猗蘭讀易  
醉翁吟諸操

和作

學清

寒月初窺牖高齋理素琴猗蘭傳古操流水度  
清吟疏越驚棲鳥和平釋躁心一彈還再鼓不



覺漏聲沉

歲杪雜咏

六十又過五

時已立春爲  
戊午歲矣

飛騰暮景催形骸慚半

稿心事已全灰儼鼓西風急龍杓北斗迴巡檐誰

可共試問隴頭梅

僻性從吾好孤踪任客猜大材無擁腫戀棧卽驚  
駘交絕嵇原懶途窮阮自哀茫茫身世感笑口幾

回開

不愁逋負集翻喜閑門居扶老無良藥消閒有舊  
書桃符兒解換椒酒婦能儲却笑支離叟蕭齋獨

晏如

爆竹驚山魃占農間土牛丹鉛雙兔管冰雪一狐  
裘老剩耽詩癖誰從載酒遊司閹辭賀客名紙莫  
輕投

除夕對酒有感近事短歌四首寄嘅

殘臘去新春來人生朱顏不復回紛紜歲事粗能  
了此時安可無一杯一杯竟醉慷慨歌北邙山下  
新塚多白頭老翁亦已矣未到白頭悲如何  
樽有酒盤有蔬老夫時還讀我書輸他五陵年少  
子追歡買笑兼呼盧呼盧之戲能敗家千金一擲

遊狹邪況多雀角與鼠牙鄉里訕笑妻拏嗟  
藥憑藉杖扶持老態龍鍾少年嗤寄語少年莫相  
笑待到老時君方知君今致身通要津過門不入  
吾無嘆一卷離騷一壺酒買絲惟繡平原君  
照虛耗打灰堆對茲難禁笑口開婦人之言不可  
聽二豪侍側何有哉石季倫富原憲貧錢多豈盡  
能通神象惟有齒焚其身憐爾障簾持籌人

上元前一日書懷

踏歌漫笑老難勝見說官衙已試燈玉笛臨風梅  
乍落鈿車流水月初升喧豗聽耐春宵永壘塊燒

疑酒戶增惆悵繁華舊時事卅年都付夢膏騰

和韻

祝德全

午橋

壘塊頻澆酒力勝陽春早賦上元燈清標直比

秋江鶴雅量真如古玉升千首新詩應更好

時方

編續集一年韶景又初增知君別有翛然處不羨

雲霄健翮騰

元夕午橋明府以次書懷韻見寄再用前

韻奉酬

新詩雒誦喜難勝懶逐兒童看市燈爲羨陳思才  
八斗不辭管輅酒三升傾城車馬香塵沸比戶笙

歌樂事增却笑壯心銷歇盡揮毫猶覺興飛騰

和作

學清

新詩疊唱老能勝佳節相看意緒增自是閒身  
耽寂靜何曾逸興減飛騰風迴鰲背銀花亂月  
到天心夜色凝却笑狂夫惟縱酒逡巡未敢賦  
春燈

禽言四首

提壺提壺人生不飲何爲乎吏部喪步兵厨吾非  
斯人誰與徒有須盡醉無自當沽十千應付酒家  
胡提壺提壺

布穀布穀乘時不努力終歲常仰屋肉食寧知稼  
穡艱農夫底用豚蹄祝緩催租急貸粟布穀布穀  
行不得也哥哥水遠山長奈若何魚投網鳥羅羅  
由來世路有風波君不見隴蜀連年商估少荆襄  
之地盜寇多行不得也哥哥

得過且過薄薄粥強如餓粗粗布強如破文覆甌  
何須作歌彈鋏何須和塞翁之馬得無足賀伯倫  
之鍾出無勞荷得過且過

立夏前三日小集張宗節齋中聽琴卽事

二首

高山流水賞音同三尺爭調膝上桐

時宗節諸君學琴尚未卒

業也却笑閒情拋未得來聽還有白頭翁

膽瓶猶剩鼠姑紅庭院春深淡沲中最是曲終人  
已醉半窗疎雨一簾風

題李端水踏雪尋梅小照

幾家風雪閉門時驛使何從寄一枝絮乍飛疑春  
去早梅爭放笑容來遲高人驢背偏宜畫處士孤  
山儘要詩他日暗香疎影下波圖好認舊鬚眉

題祝右黝先生桐陰啜茗小照

竹林雅望籍咸同

午橋明府君小阮也

七枕清生兩腋風一

事知君應小誤不將小阮繪圖中

桐陰漠漠戒新寒不倩旁人爲正冠  
火色鳶肩騰上速他時留取畫圖看

底須別水問南泠小試旗槍酒半醒  
我欲暇時携客去共評茶錄與茶經

題家右勳叔桐陰啜茗圖

德全

活火新煎竹院涼梧桐陰裏試旗槍  
盧仝陸羽都休問獨把甕甌月下嘗

四十年來舊竹林春風秋雨話同心  
槐廳此日延清賞手淪廉泉愜素襟



甌餘涼思正飄飄  
塊壘何須濁酒澆  
落日平臺閒啜茗  
題詩好在鳳皇條

伏日雜咏

世事年來悔噬齋  
衰遲聊復學幽棲  
客愁襪襪門常閉  
詩喜俳詼格漸低  
豈必蓬頭無霸子  
何妨椎髻有鴻妻  
披襟兀坐南窗下  
一卷還看手自攜

午橋大令以賓興詩見示依韻奉和三首

士林久已荷陶甄  
廿載重看盛典新

賓興之典介邑久已不舉

曾是玉皇香案吏

公以翰林出宰

固應衣鉢有傳人

司徒三物計同升  
武達文通喜聿興

時文武諸生列前茅者皆

預從此鷺肩騰上速登龍門鯉脫韝鷹

名伯甘棠傳說霖

時久旱雨公詩有應爲傳說霖句

當筵都付與

高吟却慚我似劉風漢白首空懷報國心

### 送午橋司馬之官潞城二首

此去真難借寇君攀轅無那意空勤朔風廣陌寒  
初劇杯酒離亭日易曛漫惜一官纔佐郡亟憐兩  
載共論文黎侯故國閒吟處定自猿人向彼汾

到日巡行臘鼓鳴幾多冠蓋競逢迎看山雪霽餘

吾驛省俗春回上黨城往事木天還入夢

公以翰林出宰

前塵花縣總關情漢家循吏鄉賢在莫讓馮君獨

擅名

漢馮野王  
郡人也

除夕漫成  
是日立春

新歲方始舊歲終一宵迎送何匆匆氣候互乘兼  
春冬百貨屯委羅織洪千家爆竹雙耳聾索連餽  
歲俗略同土牛臘鼓權兒童驅疫讎母偕讎翁顧  
我老態增龍鍾對之色阻心忡忡撥冗弄筆啣雕  
蟲爲文豈必效送窮從古造物困英雄欲蒙厚福  
須凡庸人生萬事如飄蓬破咄咄者徒書空盈樽  
喜有屠蘇醺醉鄉好訪王無功坐看屋角來東風  
梅花紙帳生春融明朝試約司閭僮賀客慎毋濶

乃公

己未元旦口號

履吉逢元日  
暄風被萬家  
柳回臨水色  
梅放隔年  
花馬齒仍加  
長春膠不用  
賒今宵紅燭  
下博戲幾  
人譁

代簡寄心齋刺史

我老方謝客  
君官已專城  
三刀符吉夢  
五袴騰頌  
聲昨冬甫入  
覲言歸自春  
明故鄉十載  
別焚黃首  
先塋其餘紛  
人事應亦及  
友生愧未趨  
典謁敢希  
顧柴荆迢迢  
停雲思惘惘  
舊雨情裁詩  
代魚素聊

申車笠盟驛路梅正好河梁柳初榮會當圖把晤  
一樽餞君行

人日寄宗節

靈辰剪綵起兒嬉十樣蠻牋頗繫思何日開緘分

乞我

時宗節有南來牋素擬分乞同人

看燈好寫上元詞

張君宗節分贈越箋三百餘張適心齋刺

史亦以松江長牋八幅見寄賦此奉謝

平生甚費惟帚筆

宋人有使帚甚費詩

出餽遺者十六七張

君分贈數百番魚網海苔與堪匹魯君續以八幅

來開奩雲錦照書帙綰蚓塗鴉隗未工匣藏邛寄

誰能必楮生楮生莫稱屈白頭翁亦苦牽率已難  
諭蜀效長卿豈肯賦窮同趙壹更得宣城百不律  
足供餘年吾事畢一語笑爲兩君述不將錢買將  
詩乞

姚秘書  
句也

春分後二日雪夜口號

杏桃花漸榮風雪一何橫人坐聽打聽聲春寒入  
短檠

心齋刺史於戊午冬入 覲假歸已未仲  
春仍之靖州相聚無幾旋復悵別後會難  
期老懷易感爰賦里言用代折柳

驪歌往事記離亭

君赴淑浦時此日重教別酒傾  
余有詩贈別

十載我惟餘白髮三刀君竟領專城飛山遙指春  
風遠鴈澤初過宿雨晴最是心知難後會一番相  
送一吞聲

幾行官柳漸堪攀萬里王程倏往還遠夢頻驚  
瀕口浪舊遊重看洞庭山飲泉名已傳三楚驅鱷  
文應到百蠻他日熙春臺上望懷人那不憶鄉關  
老僕

老僕大陵籍厥姓曰武氏相依自壯年薪水供驅  
使有時侍毫素亦或伴書史我性最下急屬胥頗

無理批頰爾不嗔唾面爾不耻賢哲爾所欽宵小  
爾所鄙爾才本迂鈍爾行絕隨詭一介嚴取與安  
拙謝朋比事我卅載餘一節能終始茲緣老病侵  
辭歸涕不止固窮情可矜戀主心難已我欲廣其  
意爲言齊物旨富貴與貧賤駒隙須臾耳聚散亦  
何常忻戚良有以與其老依人曷若還故里藜藿  
可存活藉以慰妻子揮淚爲此詩意質詞則俚差  
類玉川奴詎同康成婢以示後來者應慚蕭穎士

官道柳二首重送心齋

天涯芳草望中春山店牆頭杏又新底事青青官



道柳送人偏不解留人

春風春雨近清明愁聽離亭班馬鳴却笑依依官  
道柳也垂絲縷綰離情

送張念文之都門

折柳當三月風光倍覺饒杏酣村釀熟草長雉媒  
嬌古戍餘烽堠巖城壯麗譙金臺行漸近萬里羨  
鵬霄

己未九日和約亭韻

茱萸酒好復誰招憑眺輸君興獨豪汾水波寒秋  
色迥秦關天遠雁聲高飄蕭風雨催籬菊牢落心

情間蟹螯却笑戀頭餘破帽也隨黃葉下庭皋

拙集將付剞劂有感漫題

白髮閒吟歲幾更覆瓿那得便相輕却慚妄作千

秋想兩度災梨仗友生

拙集二刻三刻皆知交助貲

詞賦六朝源屈宋文章兩漢通韓歐真詮好語操  
觚客須識珠從象罔求

河汾諸老久淪亡野史亭荒付渺茫遺集他年間  
繇上四山人後一貲郎

敢因無佛便稱尊正法須叅不二門謾把神交掄  
指算老來心折有隨園

余素不能詞年逾壯獲交於西郊先生先生屢以所  
作詞示余且屬和焉始稍為之因取南北宋詞人之  
詞讀之更參以本朝諸名家詞非獨宋人如天仙化  
人不可幾及即國初如迦陵竹垞亦幾使後來者難乎  
繼響矣於戲既無史柳綺霞之才更乏蘇辛雄豪之  
概余之不宜於詞也審矣以故遂去不為聊存一卷蓋  
亦效西子之顰而學邯鄲之步者斯可愧也已  
嘉慶己未立秋前一日漫叟如綸常題於言息廬

古香詞

綿上茹綸常文靜

點絳脣

曉起

露冷霜濃半堦落葉黏衰草山窗新曉幾點炊烟  
小 又近重陽風雨空林攪秋光好黃花開了深  
院芙蓉老

減字木蘭花

九日

滿城風雨獨坐空齋人不語已罷登高破帽何妨  
首自搔 聊將斗酒紫蟹香橙誰到手獨有黃花  
零落柴桑處士家

卜算子 秋夜

落葉正蕭蕭簾幕當風冷已是尋常不耐愁更着  
懨懨病 無那又黃昏添取孤燈影幾度和衣睡  
未成遮莫秋更永

大有 九日

橘圃霜濃楓林秋晚正登高重九佳節看年年銷  
魂景物無別空堦昨夜聽風雨更四壁蛩聲齊咽  
忽漫一片蕭條已成十分淒切 黃菊零落莫折  
頻換着生衣曉寒人怯采菊淵明雅興不堪消歇  
且任帽簷敝側龍山會而今空說萸萸負綠蟻香

醅盈樽新潑

滿江紅

初冬偶作

挂笏閒看無人處空堦蕭灑早又是黃花零落玉  
梅低亞歲已暮今鴻雁去日之夕矣牛羊下正半  
鈎新月破黃昏鐘初打 莽回首成悲詫書空罷  
憑誰話嘆光陰過客斯言非假世事漫嗤蕉鹿夢  
吾生合筮天山卦問終年役役苦勞形何爲者

念奴嬌

都門惜別

陽關三疊悵岐路渺渺離情難訴客邸歡娛曾幾  
日一霎何堪便去曉月蘆溝秋風燕市觸處皆愁

緒鞭絲帽影此時料應難住  
記得拍按紅牙歌  
翻翠譜綺席常相聚可奈而今殊草草愁絕單衣  
風露塞雁千行棲鴉數點落日山村暮不堪回首  
長安一片烟樹

憶江南

前題

人去也燕塞正橫秋衰草斜陽情脉脉碧天紅樹  
水悠悠惆悵渡蘆溝

眼兒媚

途次有懷

懷人望遠思無涯古道夕陽斜兩行疎柳數聲歸  
雁幾點棲鴉  
甕頭酒熟阿誰家清興故應佳君

章宅裏淵明籬下定有黃花

長相思

中秋十三夜坐月

花半窻月半墻人坐空庭夜漏長  
木樨聞暗香  
樹蒼蒼露灑灑瞥見堦前落葉黃  
清輝今夜涼

醉公子

十四夜

又向中秋看暗惜流年換無語暫凭欄  
清輝增暮寒  
碧落浮雲掃愈覺冰輪好尙欠一絲圓  
銷魂似去年

霜天曉角

十五夜雨

廉纖疎雨底事當三五漫說還憑絃管更觸緒增



一  
言  
三  
淒楚 蟋蟀深院語古香青桂吐可惜嬋娟今夜  
竟對面成遙阻

謁金門 十六夜

秋正半細雨斜風無限雲外天香飄欲遍南樓清  
興淺 獨坐瀟瀟庭院紅燭綠樽誰伴昨夜清光  
穿望眼今宵簾不捲

步蟾宮 十七夜

冰輪料得今宵缺惜草草難酌佳節試看三五已  
過頭屈指是明朝十八 從他四壁蛩聲咽且獨  
對一燈明滅那堪風雨迸秋聲沉又聽空堦落葉

一剪梅 除夕

辛盤草草侑屠蘇半是冰蔬半是寒  
蒹家人取次換神茶又是年初又是春  
初元日立春但教門外少  
追呼不負私逋不負官租從他霜雪滿頭顱且自  
警書且自抄書

金人捧露盤 鄴城懷古

過漳南望疑塚弔曹公嘆當年漢祚將終三分割  
據孫劉鼎足並英雄中原人物數君家詞賦偏工  
陳琳檄稱衡鼓雀臺沒霸圖空問西陵麥飯誰  
供沙沉折戟二喬何處覓江東分香賣履吹笙伎

齊付東風

踏莎行 紫薇花

天上丰姿日邊聲價已逢青帝行春罷好將烏爪  
試麻姑紫薇俗呼爲怕癢樹人若搔之則枝葉無風自動仙郎清興真堪  
藉興善僧庭潯陽官舍詩人追憶成悲詫只今  
位置向田家竹籬茅屋看低亞

南鄉子 雪中簡西郊

寓目皓難收剪水搏雲特地稠屋角黃梅開未了  
清幽只少山陰訪戴舟佳興若爲酬好把新詞  
寄勝流書館寒窗風力勁歸謀斗酒還教大白浮

醉落魄

次西郊韻

官租已了差強敗意潘邠老一杯好把閒愁掃畫  
壁旗亭應有雙鬟曉 堦前積雪臨窻皎蕪殘沉  
水餘烟裊案頭狼藉新詞稿冷淡相於止有梅花  
好

桃源憶故人

酬西郊

白灰旋撥通紅火青箬親開茶裹幾穗燈花飄墮  
獨向深宵坐 牛腰詩卷牀頭夥紙帳梅花香妥  
此際過從誰可對影惟留我

五福降中天

壽王達溪邑侯母

捧輿競羨神明宰介眉更歌天保酒進延齡花開  
益壽瑤席錦屏清曉香浮瑞腦看戲綵承歡投壺  
博笑恰是秋成琴堂無事放衙早 輸他起居八  
座喜革顛似舊天錫難老剉薦留賓隔紗講學詎  
獨母儀江表雕章摛藻料魯國諸生都工頌禱時侯  
初建綿山書院肄業者甚多末座伊誰綠衣年最少

海棠春

閨詞和漁洋山人原韻

曉妝

深閨簾索輕搖響愛曉旭光涵珠網綰髻學靈蛇  
鬢髮菱花漾 曲眉那羨西家樣儘半晌低徊自

賞小整藕絲裳坐看紅牕敞

午睡

紗窗日午涼風足無箇事眉頭心曲睡思忽撩人  
且展芙蓉褥 祙胸微露紅子肉那怕墮搔頭碧  
玉好夢倏驚回又響琅玕竹

晚浴

卸頭小立娉婷影紅燭底酒酣微醒正擬試蘭湯  
又怯銀盆冷 冰肌映徹牀頭鏡浴罷也蘭襟慢  
整無力理殘妝却蘸甜香餅

夜坐

空廊落葉聲如雨那更耐一城砧杵獨坐向清宵  
聊共雙鬟語挑燈惜把燈花去且細數蓁蓁街  
鼓底事不歸眠學捉蕭郎塵

浪淘沙

九日和王清湖明府

佳節又重陽無限秋光鯉魚風起蟹初黃江上芙蓉  
籬下菊也費評量青鬢已堆霜落帽何妨新  
詞填就興偏長輸與閒情彭澤宰醉把萸觴

醉太平

獨坐

寒蕪逕幽荒苔砌砌銷魂最是深秋又蕭蕭白頭  
樽中蟻浮籬邊菊留坐看月下簾櫳有青燈伴

愁

慶千秋 壽高母

寶婺生輝正華筵設悅壽域天開書堂錦屏清曉  
笑進霞杯猗歟母也彼都人競曰賢哉又何必星  
妃月姊侈談閨苑瑤階 恰是花朝節近已柳和  
烟拂杏倚雲栽試看閨中鍾郝子舍王裴綠衣滕  
下儘承歡樂事無涯從此後年年介壽還教拚醉  
千回

謁金門 送王芝田之都門

金臺側此日空勞相憶笑我征轅纔小息唱驪誰



又亟望斷井陘南北絕巘重重關塞一片荒蕪  
衰柳色挽留人不得

采桑子 重送芝田

飄蓬落葉離亭滿晉壘寒雲燕樹斜  
又送君到時好貫旗亭酒詞客殷勤歌管紛紜  
莫忘梅花寄彼汾

前調 剪菊

傲霜漫說香能久籬下天寒簾外風酸  
半已殘一杯且把茱萸酒若要相看除是明年  
留供蕊罍幾朵妍

又

平生雅負淵明癖  
雁後霜前伴月  
和烟從未開時  
看到殘  
縱然折得休輕棄  
瘦影堪憐  
秀色堪餐  
剩壓雲翹也別妍

滿江紅

南村園卽事

老去悲秋正情緒  
幾番作惡更誰踏  
仲蔚園林  
淵明籬落  
采菊怡從仙令  
至登高已負龍山約  
前讓庭邑侯約遊  
聽蛩吟莎徑  
紫苔深同蕭索  
君不見遼

綿上

東鶴又不見空倉雀  
且藏鈎射覆杯  
傾狂藥漏下  
漫歌金縷曲  
醉來那問嚴城鑰  
看中車歸路  
輾銀

沙何寥廓

減蘭 賀曉園生子

維何吉夢釋氏應知親抱送我亦微聞天上曾傳  
有石麟 充問共賀曾否啼聲驚四座幾許新詩  
爭向三朝羨洗兒

菩薩蠻 對菊懷昌寸田

殘編狼藉三間屋秋來屏當排寒菊花下復懷人  
那堪酒半醺 橫山千里遠爲問傳書雁珍重故  
人心新詩寄我吟 時有新咏見寄

浣溪沙 對菊有感

華髮盈顛百慮灰東籬且復與徘徊菊叢猶似舊  
年開 莎徑夜閨蛩語急收樓人去雁聲哀對花  
那不覆深杯

偷聲木蘭花

松晚生子戲簡

犀錢玉果平分好錯寫弄壘愁絕倒寄語諸公此  
事如何得有功 天香桂子飄初遍湯餅筵開秋  
正半待過三旬平視兼來看洛神

滿庭芳

重陽前四日招諸友人集一笑山房同賦

霜葉翻紅秋山凝碧疎簾低織寒烟空齋蕭灑惆  
悵菊花天且喜招邀勝侶相看處雅度共翩翩

陶然當此際飛觴擊鉢角咏分箋問誰居王後孰  
在盧前料得詩名並負獨有我潦倒堪憐當筵也  
才輸長吉空擬賦高軒

山花子

九日

爛熳秋容菊又芳風光最好是重陽一自餐英人  
去後數柴桑蛩語模糊三徑雨雁聲迢遞一籬  
霜却笑多情邀客賞勸飛觴

減蘭

重陽後十二日同謙庭明  
府南村看菊送徐少府

重陽過了且喜黃花開尙好疎圃閒村彭澤能來  
共酒樽西風淒切天外鴻飛人欲別莫唱驪歌

恐惹花前意緒多

采桑子

曉園晏日譙客菊下二詞奉寄

菊花今歲南園好開遍寒叢香滿籬東淺紫輕黃  
淡復濃羨君佳客連翩集豪挽凋弓快倒金鍾  
誰更新詞賦箇儂

又

玉山雅集真堪溯一再相招歡賞連朝愛客輸君  
興獨豪寒慳笑我還兼懶未釀香醪那得霜螯  
止倩黃花代解嘲

前調

自遣

黃昏獨捲疎簾坐菊影紛披月色迷離冷淡相看  
亦自宜 休言老去翻多事拈韻題詩按譜填詞  
消得秋光爾許時

燕山亭

重九後十四日息園招集齋中賞菊

深院垂簾搖漾水紋不似陶家籬舍疎影暗香紫  
艷爭開欣少蝶黏蜂惹畫軸書籤掩映處更饒瀟  
灑低亞防坐客寒叢摘來盈把 休惜時過重陽  
恰屢日招邀迭呼三雅殘秋景物晚歲情懷都付  
酒邊花下高會西園還問取倩誰圖寫歸也看已  
是更闌燭灺

天香

咏木瓜簡田夫西郊

綈几初安冰瓷乍疊繡簾香細微度檀暈偏明丹  
痕小綴楚袖襄橙寧數蕊纖時拂愛染袖餘馨如  
許休更偷將漬粉遮却紅腮交午騷人憶曾分  
賦田夫西郊前並有詞咏此儘而今重翻歌譜林實端詳怎敵  
當時風趣莫惜瓊琚報我相對清芬別吟取白石  
妍詞金萱麗語

減蘭

春日南村園卽事

茂林修竹山上高臺山竹屋讀書評書雅集蘭亭  
得似無草妍花媚一曲流觴須盡醉預說明年



莫負春三二月天

一斛珠

夜坐古香書屋田夫出示新詞

燈花欲墮一簾霜月留人坐夜闌更出香詞夥珠  
玉當前形穢深慚我曉風殘月誰傳播賈洲笛  
譜誰酬和斷腸解道憐無那減字偷聲付與紅兒  
可

點絳脣

中秋

玉宇無聲空庭露白人微醉銀蟾丹桂頗覺嫌辭  
費早是悲秋又病恹恹地難成睡蛩吟瑣細強  
半來疎砌

雨中花 五十自壽

五十年光如電瞥，剩得盈頭華髮。伯玉知非，買臣幸貴，舊事何須說。老去方思拋一切，恰又是授衣時節。硯北揮毫，籬東采菊，把酒歌新闕。

瑣窗寒 秋杪書懷

葉墜階深，蛩吟砌冷，伴人幽獨。無端暮雨，更是瀟瀟撼撼。嘆年來、潦倒情懷，止堪日飲杯中，醉儘張羅戶外。黃花慢底，道書閒讀。翻覆如棋局，看弓或疑蛇夢，誰迷鹿升沉。欲問詎有君平，能卜料吾生。合老林泉，避人便擬，成小築，好時時知已論文。

快剪西窓燭

五福降中天

壽汪讓庭明府六十并序

蓋聞俎豆登堂士被文翁雅化耕桑安堵人  
懷杜母休風邑侯讓庭先生裔出簪纓舊住  
紫陽山下家傳文學移居丁卯橋邊蘊經濟  
之宏猷殊嗤刻鵠擴賢豪之剩技雅擅臨池  
早膺鶚薦於秋闈遂監方州於晉地六年從  
事望重東雍三載牽絲政成綿上任人任力  
無慚循吏之稱得壽得名不愧慈君之奉河  
陽縣裏恰逢花甲初週單父堂前快覩椿齡

永茂茲孟秋下浣爲六蓐誕辰嶽經降神以  
生申斗將旋杓而建酉棠常垂蔭地接丹邱  
桂欲飄香天開壽域通國中之老稚介幕下  
之賓僚誦幽詩而酌兕觥賡魯頌而陳燕喜  
效華封之三祝何嫌躋彼公堂咏箕福之九  
疇是用播之樂府

循良競羨神明宰稱觴更歌天保曼倩桃甘安期  
棗熟綺席錦屏清曉芝蘭砌繞正蠟鳳諸郎萊衣  
博笑恰是秋成訟庭無事放衙早 閒情彭澤漫  
賦米家書畫舫還恣探討縣種潘花郊馴魯雉何

必侈談蓬島彈琴坐嘯喜嬰鐸如斯天教難老鶴  
算椿齡八千綿壽考

南村園雜咏單調二十闕爲曉園賦

甘露歌

聽松閣

閣外龍蛇時弄影濤聲天半迥到眼南山翠靄濃  
獨坐聽松風

法駕導引

迎素坊

迎素月迎素月夜靜喜初臨悄倚閒坊人小立生  
衣不覺露華侵惆悵碧松陰

漁歌子

藤橋

扶杖時爲橋上行愛他藤古有龍形臨水意羨魚  
情立盡斜陽酒未醒

南鄉子

四沼

屈曲淪漣形如四字亦天然沼上何人鴻雁顧蠻  
語曰有娵隅還可數

訴衷情

問花軒

嫩白妍紅無限好惜芳菲眞解語誰與侑深杯休  
待曉風吹期期問春何日歸更留伊

梧桐影

暈碧亭

竹影稠松陰重斜日空濛池上亭清波映碧兼天

湧

春宵曲

漾月池

夜靜游魚樂風回宿鳥驚  
晚涼池上更閒行好看  
輕波搖漾月華明

閒中好

虛白草堂

閒中好一室虛生白  
止止成吉祥聞之漆園客

憶王孫

樂數齋

素心幾許在南村  
晨夕相過竹下門  
坐對清齋絕  
點塵好論文  
無數花香撲酒樽

凭闌人

積翠欄

遙對南山黛色橫  
隨意來看秋雨晴  
凭欄人小停  
半堦青蘚生

清平樂

卷石山房

一卷石耳癖  
比襄陽米欸待詩人  
茲可以更得半  
潭秋水

如夢令

卧遊廊

莫問平生幽尚  
可惜輸他禽向  
一榻卧長廊壁上  
畫圖無恙  
悵望悵望疑在白波青嶂

搗練子

簞山

也磊落也崔嵬  
和雨和烟長綠苔  
偷得南垣新樣



好爲曾親見華嵩來

轉應出

曲水

曲水曲水聞說蘭亭堪擬一時裙屐何人恰好流  
觴暮春春暮春暮更泛落花飛絮

蒼梧謠

藕花塘

香翠葢紅衣浸碧塘風欹處驚起幾鴛鴦

二十字令

見山榭

幽榭好春風亞字欄披襟獨對晚涼天見南山悠  
然

望江南

平野樓

人倚處野色正當樓一帶遠田青漠漠幾灣新水  
碧浮浮遮莫望中收

采桑子

潛香洞

深居漫羨猗玕洞興味差長歲月都忘獨坐時時  
聞妙香

黃金縷

柳陰居

愛踏南園西畔路小築幽居戶傍垂楊樹燕剪鶯  
梭春又暮重重留得濃陰住

西樓月

得月臺

高臺皎月凌虛得山下花間正黑故應水調唱君

詞夜靜誰家吹玉笛

集初刻於庚寅再刻於丁未三刻於  
己未迄今戊辰忽三十載時年已七十  
有五矣凡有所作亦皆率率應手  
不覺存乃約亨進士升三子廉鳬山  
以經皆嘗受詩於余故以愚通謂素  
置力可悟遂謀之同人咸解囊助刻  
刷於戲余之二三刻已藉交之力  
今更如是雖諸君弗吝而余顏之幾  
厚已因以稍為芟削及補遺廿首於後  
為二卷用答三子之好我上析識諸君

子之真道云

嘉慶戊辰立冬後六日漢吳茹綸常  
是於之息唐之北牕